

latu, accim~ate di tegule è d'imbrice. Annantu, ci lessi scritti latini dipinti à l'oru fine. - l'intornu, in tarra, si pudianu cuntà una dicina di scatule aperte. Eranu colme di pezze in oru, di ghjuvelli, di petre preziose. C'eranu ancu assai scaravazzuli scarpillinati in rubinu, diamante, turchina, zaffiru, granatinu, agata... Ci eranu stati aghjunti una mansa di vasi è vasetti adurnati. -



contu meiu, sta tomba sarà stata quella d'una persona ricchissima ! Forse qualchissia di pudere ? Si pudia leghje nant'à a tomba :

DIS. MANIBUS.
T. PLAETORIUS
CAESAR. FECIT.
FLAVIAE QUINTAE
CONIUGI. KARIS
VIXIT. ANN. XXXX. H' .S.E.

Ciò chì mi fece capisce ch'ella era a tomba di una donna ma ùn si pudia induvinà ciò ch'ella fubbe quand'ella campò Appassionatu da issa scuperta, decisi d'andà più in là, è circhendu novi musulei cum'è quessu, scuprii una nova stanza cù un fucarellu chì stava per spenghje sì, ma issa stanza era guasi spachja : ci stavanu solu dui letti cun una cuverta nant'à ognunu, è accantu, duie cuppette di vinu cù una lumera spenta. Passate a sorpresa è a meraviglia, principiai ad interrughà mi nant'à stu mondu sottutarraniu induve eranu incesi fochi è torchie. Pinsai, forse per dà mi curagiu, ch'elli eranu l'archeologi chì eranu in traccia di

scavà è di studià i lochi. D'altronde, ùn pudia esse chè quessa a soluzione. Ma avia propiu bisognu di rassicurà mi, chì sintia una prisenza daret'à mè, è tandu, mi socu giratu parechje volte, ma nulla ! -n pudia esse chè a mo mente à inventà idee simule ! Eppo caminava sempre ind'è issi corridorii, un veru labirintu cù stanze d'ogni latu, certe troppu bè sarrate per pudè ci entre ; forse eranu avelli prutetti contr'à i ladri ? Viaghjendu cusì, sta prisenza m'accampava. Mi firmai in un novu tumbinu, chì paria esse quellu d'un zitellu :

FILIO . PISSIMO
VIXIT. ANNIS. X. MENSIBU
S.V.
EPAPHRODITUS
PATER. MERITO. FECIT.

Stupitu da i ghjoculi chì stavanu a l'ingiru di a tumbuccia. m'avvicinai per guardà li da vicinu... Quando qualcosa mi cascò in capu. Cosa era ? Un altru colpu mi fece cascà in ghjinochje in tarra Eppo mi cascò torna un ultimu colpu in capu.

Durante stu mumentu, cridite mi puru, nùn avia laziu di ride cum'è di regula.

Era cusì sturditu ch'e ùn vidia più nulla, ma sentii voce à l'intornu è parechje parolle s'assumigliavanu à a nostra lingua. Poi più nulla : era ammazzatu. Era tuttu neru...

Dopu à una stonda -ùn sò quantu tempu : un'ora, una meza ghjurnata ?- mi discitai ancù una pena in capu tremenda ; era sempre appena acciaccatu, ma

andava quantunque megliu. Stava liatu nant'à un lettu di ramu, ma quessa ùn m'impidia di scopre a mo stanza, illuminata d'una torchia azzingata à u muru.

Quale sarà statu ad avè mi acciaccatu ? Sintia parlà in a sala accantu... In veru ! issa lingua s'assumigliava assai à u corsu... Megliu ! era cum'è una lingua trà u latinu ch'è no sintimu in ghjesgia è u corsu...

Qualchì minutu dopu, fù stupitu di vede entre un omu vistutu cum'è un suldatu rumanu. Pinsai ch'ella fussi una macagna, o ancu un sugnacciu... L'omu venia à circà mi è mi purtò in una sala bellissima induve lu c'era una cinquantina di persone allunga nant'à letti cum'è u meiu, è vistute cù toghe. Quellu ancù a cappa rossa - u capimachja. ?- mi chjamò è disse : **«Civita nostra subterranea habes cognoscutu. Corsi ed romani simu et ibi vivemu, per populu et lingua nostri contra germanichi et vandali irruptioni protegere. In nocte, per animali occidere et terra lavare, eximu. Videmu loci mutare: nulla comprehendemu... Sed no,**